

古別離

雜興  
百四

夏目漱石

上樓湘水綠捲簾明月來雙袖薔薇香千金琥珀杯窈窕鳴紫籟徙倚暗淚催二八纔畫眉  
早識別離哀再會期何日臨江思邈哉徒道不相忘君心曷得回迢迢從此去前路白雲堆  
撫君金錯刀憐君奪錦才不贈貂襜褕却報英瓊瑰春風吹翠鬢悵怗下高臺欲遺君子佩  
蘭渚起徘徊

長尾雨山曰情思纏綿語言藻薈頗復古調結語遺君子佩歸旨敦厚極得風人之意

雜興

仰瞻日月懸俯瞰河岳連曠哉天地際浩氣塞大千往來暫逍遙出處唯隨緣稱師愧估畢  
拜官足緡錢澹蕩愛遲日沆瀣送流年古意寄白雲永懷撫朱絃興盡何所欲曲肱空堂眠  
窮聲滅屋梁炊梁颺黃烟被髮駕神麟寥沉崑崙巖長嘯抱珠去飲泣蛟龍淵寤寐終歸一  
盈歌自後先胡僧說頓漸老子談太玄物命有常理紫府孰求仙眇然無倚托俛仰地與天  
長尾雨山曰嘯麟卓犖應復逍遙獨徵發幽理於物表遊玄思於形外披髮長嘯數語有神駿  
尤容銜勒之概放聲徹吟超然神遠矣

題畫

落合東郭